

Pelan tindakan STI, HIV/AIDS, kehamilan remaja dirangka

Oleh : Abu Bakar Haji Abdul Rahman
Foto : Azmah Haji Ahad

BANDAR SERI BEGAWAN, bagi Pemimpin-Pemimpin Sekolah Khamis, 29 Januari. - Bengkel Kebangsaan Reproduktif Kesihatan bagi Pemimpin-Pemimpin Sekolah Seluruh Negara sempena Hari AIDS Sedunia 2014 yang berlangsung



PEMANGKU Ketua Pengarah Kementerian Pendidikan, Awang Haji Abdul Rahim bin Haji Derus menyampaikan sijil kepada seorang peserta Bengkel Kebangsaan Reproduktif Kesihatan bagi Pemimpin-Pemimpin Sekolah Seluruh Negara sempena Hari AIDS Sedunia 2014 di Dewan Al-Afiah Kementerian Kesihatan.

selama dua hari berakhir dengan majlis penyampaian sijil.

Bengkel yang disertai oleh 60 peserta dianjurkan bersama oleh Pusat Promosi Kesihatan, Kementerian Kesihatan, Jabatan Perkembangan Kurikulum dan Majlis AIDS Negara Brunei Darussalam.

Majlis penyampaian sijil disempurnakan oleh Pemangku Ketua Pengarah Kementerian Pendidikan, Awang Haji Abdul Rahim bin Haji Derus yang diadakan di Dewan Al-Afiah Kementerian Kesihatan, di sini.

Bengkel tersebut merupakan kesinambungan langkah-langkah dalam mencegah, mengawal dan memberantas isu-isu kesihatan reproduktif serta mendukung inisiatif-inisiatif bagi menangani isu-isu sosial dalam kalangan pelajar-pelajar remaja.

Bengkel merangkumi ceramah dan taklimat mengenai status serta pengetahuan asas mengenai penyakit hubungan kelamin (STI) termasuk HIV / AIDS dan kehamilan remaja di negara ini.

Turut diadakan pada bengkel tersebut ialah sesi kongsi sama dan

perbincangan mengenai langkah-langkah yang telah dan sedang dilaksanakan oleh beberapa buah agensi kerajaan dan bukan kerajaan dalam mencegah serta memberantas isu-isu sosial termasuk tingkah laku yang berisiko dan pencegahan penyakit STI dan kehamilan remaja.

Hasil daripada bengkel tersebut, sebuah pelan tindakan bagi menangani isu-isu berkaitan dengan penyakit STI termasuk HIV / AIDS dan kehamilan remaja telah dirangka bagi tindakan pemimpinan-pemimpin sekolah dengan kerjasama pihak-pihak berkepentingan yang lain.



ANTARA yang hadir semasa Bengkel Kebangsaan Reproduktif Kesihatan bagi Pemimpin-Pemimpin Sekolah Seluruh Negara sempena Hari AIDS Sedunia 2014.

Rasuah beri kesan buruk



KULIAH Khas Kursus Melayu Islam Beraja (MIB) bertajuk 'Taklimat Pendidikan Pencegahan Rasuah' disampaikan oleh Penyiasat Khas Kanan, Biro Mencegah Rasuah (BMR), Dayang Nor Ashiken binti Haji Mat Salleh.

Oleh : Noorati Haji Abas
Foto : Hernie Suliana Haji Othman

GADONG, Rabu, 29 Januari. - Kesan-kesan buruk rasuah akan menjejaskan kecekapan dan integriti pentadbiran, di samping boleh menjejaskan sosial serta kestabilan politik dan keselamatan.

Ia juga memberi kesan kepada individu itu sendiri seperti kehilangan pekerjaan dan kejatuhan moral atau maruah.

Perkara itu antara isi kandungan Kuliah Khas Kursus Melayu Islam Beraja (MIB) bertajuk 'Taklimat Pendidikan Pencegahan Rasuah' yang disampaikan oleh Penyiasat Khas Kanan, Biro Mencegah Rasuah (BMR), Dayang Nor Ashiken binti Haji Mat Salleh di Dewan Jubli, Universiti Islam Sultan Sharif Ali (UNISSA), di sini.

Menurutnya, rasuah ialah pemberian atau penerimaan secara tidak jujur sebarang sesuatu sebagai dorongan atau ganjaran untuk diri sendiri atau orang lain.

"Rasuah selalu diibaratkan sebagai penyakit yang boleh merebak kepada masyarakat yang berlaku tanpa mengira golongan atau kedudukan dalam semua lapisan masyarakat di mana-mana negara di dunia ini," jelasnya.

Dari itu, kesan dan implikasi rasuah terhadap ekonomi, politik dan sosial serta budaya itu ujarnya, boleh mengheret individu, masyarakat, bangsa atau negara kepada bencana keruntuhan tamadun disebabkan sifat tamak dan kerakusan kekuasaan manusia itu sendiri.

"Gejala rasuah ini, walau sebesar atau sekecil manapun ianya dilihat tetapi kesan-kesannya adalah amat buruk dan akan menjejaskan negara secara keseluruhannya," tegasnya.

Katanya, melaporkan kegiatan rasuah kepada pihak yang berkenaan juga merupakan tanggungjawab semua pihak, pelapor atau pemberi maklumat akan dilindungi di bawah Seksyen 30(1) Akta Pencegahan Rasuah (Penggali 131).

Oleh itu, beliau menyarankan mereka agar tidak takut memberi maklumat yang benar dan bersama-sama menghapuskan rasuah demi agama, bangsa dan negara.

"Adalah menjadi kesalahan jika gagal melaporkan akan didakwa dan jika sabit kesalahan akan didenda BND500 dan penjara enam bulan," terangnya.

Seramai 158 mahasiswa dan mahasiswi Tahun 1 menghadiri kuliah itu yang dikendalikan oleh Pusat Penataran Ilmu dan Bahasa, UNISSA.

Menurusi taklimat itu akan dapat membincangkan kesedaran dan pengajaran kepada para mahasiswa dan mahasiswi UNISSA dalam sama-sama memberantas gejala rasuah agar ia tidak berleluasa.

Ia juga diharap akan dapat membawa manfaat yang berguna agar sentiasa mengamalkan sertamenghayati cara hidup kebruneian yang belandaskan kepada falsafah MIB.

DBP anjur Pertandingan Lagu Puisi, Menulis Esei

BANDAR SERI BEGAWAN, Khamis, 29 Januari. - Dewan Bahasa dan Pustaka (DBP) sebagai sebuah institusi kebahasaan dan kesasteraan bertanggungjawab dalam mengukuhkan, memartabatkan dan memperkasa penggunaan bahasa Melayu, selain mengadakan beberapa peraduan dan pertandingan bertujuan untuk mendaulatkan Bahasa Melayu dan mengangkat martabat Kesasteraan Melayu di negara ini.

Sehubungan dengan itu, DBP membukakan penyertaan bagi Pertandingan Lagu Puisi Hari Kebangsaan (Pantaran Sastera DBP 2015) sempena Sambutan Ulang Tahun Hari Kebangsaan Negara Brunei Darussalam Ke-31, 2015 dan Peraduan Menulis Esei Ilmiah Pangsur.

Bagi Pertandingan Lagu Puisi Hari Kebangsaan (Pantaran Sastera DBP 2015) DBP menawarkan hadiah pertama berupa wang tunai BND500; kedua BND400

dan ketiga BND300.

Manakala tiga hadiah penghargaan bernilai BND200 setiap seorang dan empat penerima hadiah sagu hati bernilai BND100 setiap seorang juga akan diberikan.

Borang penyertaan boleh didapati di Urus Setia Pertandingan Lagu Puisi Hari Kebangsaan, Tingkat 3 Bahagian Sastera, Majalah dan Jurnal, DBP, Lapangan Terbang Lama Berakas.

Tarikh tutup penyertaan pertandingan tersebut ialah pada 21 Februari 2015 tidak lewat pukul 4.00 petang.

Bagi Peraduan Menulis Esei Ilmiah Pangsur pula, borang dan keterangan lanjut boleh didapati di tempat yang sama dan hendaklah dihantar tidak lewat 31 Mei 2015 pukul 4.00 petang.

Untuk keterangan lanjut bolehlah menghubungi melalui talian 2382511 sambungan 137 / 224 / 138.

KPSSU kelolakan ceramah Kesedaran Awam Biosekuriti

BANDAR SERI BEGAWAN, Khamis, 29 Januari. - Bahagian Biosekuriti, Kementerian Perindustrian dan Sumber-Sumber Utama (KPSSU) telah menganjurkan siri Ceramah Kesedaran Awam Biosekuriti pada 28 Januari 2015 di Dewan Serbaguna, Kompleks Utama Bumiputera, Pekan Bangar, Daerah Temburong.

Ceramah tersebut adalah salah satu daripada siri jelaah program Bahagian Biosekuriti untuk meningkatkan kesedaran awam mengenai kepentingan dan keperluan untuk mematuhi peraturan-peraturan mengenai aktiviti import dan eksport komoditi pertanian yang dihadapi oleh usahawan industri pertanian dan perikanan serta wakil-wakil Jabatan Kerajaan di Daerah Temburong.

Antara tujuan ceramah adalah untuk meningkatkan kesedaran awam kepada orang ramai, terutama pengimport dan syarikat pengeksport komoditi pertanian dan perikanan dan juga agensi-agensi kerajaan yang berkaitan dan sektor swasta, dengan memberi penekanan kepada peranan Bahagian Biosekuriti dan

perkhidmatan yang disediakan oleh seksyen berkenaan.

Taklimat itu juga menekankan kepentingan persefahaman mengenai Sanitari dan Fitosanitasi (iaitu keselamatan makanan, haiwan dan tumbuhan kesihatan) melalui aktiviti import dan eksport komoditi pertanian.

Ceramah tersebut juga aktiviti ringkas berkaitan dengan import dan eksport komoditi perikanan dibentangkan oleh Jabatan Perikanan, CITES disenaraikan komoditi oleh Bahagian Hidupan Liar dan penambahbaikan kepada kualiti produk yang diimport dan keselamatan melalui pembungkusan yang betul yang disyorkan oleh Jabatan Pertanian dan Agrimakanan.

Antara topik yang diberi semasa ceramah tersebut adalah seperti berikut iaitu Fungsi Bahagian Biosekuriti, Prosedur Import, Eksport dan Pendaftaran Komoditi Haiwan, Prosedur Import, Eksport dan Pendaftaran Komoditi Loji, permohonan dalam talian untuk Import dan Sijil Fitosanitasi, Prosedur Import dan Eksport

Komoditi, Perhutanan Komoditi, Pengenaln pada CITES tersenarai, Pemeriksaan Kuarantin (Dokumen), 'Sticker Tagging' dan Pembungkusan di Post Sempadan, Meningkatkan kualiti dan keselamatan produk, Pengawalselatan dan Penguatkuasaan, tumbuhan Prihatin Kuarantin Perosak dan Makanan Laut Kebersihan diri Pemeriksaan.

Hasil ceramah itu akan mengukuhkan kesedaran orang ramai tentang memahami peranan dan fungsi yang biosekuriti dan juga pemahaman mengenai pendekatan strategik dan bersepadu dalam menguruskan risiko biosekuriti yang akan menyumbang kepada perlindungan kesihatan manusia, ekonomi, alam sekitar serta melindungi industri pertanian dan perikanan tempatan daripada kesan negatif yang dikaitkan dengan serangga perosak dan penyakit. Dengan ini, ia akan dapat mengurangkan kemungkinan perosak dan penyakit ancaman untuk memasuki Negara Brunei Darussalam melalui pengimportan komoditi pertanian dan perikanan.